

# П а й щ и к ү д и н х у р г

Шидр Юстинск района, Присарпинск рабкоопин пайшикүдин хурт болв. Хуртгт эд-тавр болн хот-хол гүүлгүгнә 9 сара дигин тускар рабкоопин ахлач үр Н. Д. Коноваленко доклад кев. Эн цагин туршарт рабкооп эд-тавр хулдлгүна зурагъан 104,2 процент күргдж күцәв. Нүүрт йовх хулдачир үр Ханчаев Б. — 143 процент, үр Адьяев И. — 121 процент күргдж күцәцхәв.

Ахр цагин эргцд багъ наста үр С. Олюшкиева өдмг болгъдгиг сәәнәр дасдж авб. Болв, гүүлгүгнә халхд одачн зөвәр дутус бәәхиг үр Коноваленко докладтан темдглв. Ода күртл пайшикүдин тонь багъ, пайшикүд болх 800 күүнәс 300 күн орулгддж авгддж, пайин көрнүгд 3642 арслнъ мөнүгн цуглулгддж авгдв.

Тооцана цагин эргцд рабкоопд 38061 арслнъ мөнүгнә өлг-эд дутснъ темдглдв. Хулдач үр Шапошников көдлмштән модьрун бәәдл үзүлнә, зарм хулдачир лавксан цаглань эс секдг саам бас бәәнә.

Олна хотин герт кегддг хотнъ багъ деерән үнтә. Олна хотин көдләчир олин зүсн хот, кимд үнтәгъяр кехин аргынъ хәәхш, — гидж темдглдв.

Рабкооп эд-тавр хулдлгүна зурагъан күцәдгнъ — әрг икәр хулдсна учр, авч ирсн 2 сай арслнүга эд-таврас 1 сай 400 минүгнъ әрк болдж гарна. Рабкооп ода бийнъ боднцг, мәнүтрс болн хавст багъяр хулдджана.

**БАДМИН Николай.**